

補過齋文牘辛集一目錄

令文集編一

起元年六月
訖四年九月

電令烏蘇蔣遊擊地方官不能由百姓自舉文

指令鎮西廳李澍榮呈報蠲免陋規文

指令學務公所呈轉尉犁縣漢語學校員生清冊

文

電令輪台縣地方官因公虧累百姓毋得捐款彌

補文

布告加發拜城縣銅價文

訓令各屬遵照政府命令禁止民舉官吏文

指令財政司實業局呈賁暫行開礦照式文

指令實業局長鄭聯鵬呈請試辦南山銅礦文

通令各屬禁種煙苗實行功過規則文

指令庫車縣馬知事呈轉翟安驥擬定安設快車

簡章文

指令卡牆幫審員龍熙霖查覆英人盜挖金礦文

指令塔城縣呈賁鴉片種植問題答案文

指令庫車馬知事呈覆禁革雜朶提而什糧文

訓令阿克蘇道屬裁撤稽查文

指令楊委員慶南呈擬廣濟銅礦公司改良辦法

文

指令僱員龔直清呈請改良酒席辦法文

指令銅鑛公司稟請加發銅價暨借給銅價銀兩

文

指令綏定知事黃賡陶呈覆辦理禁煙情形文

指令昌吉縣知事謝祖燿等會呈禁煙情形並擬

訂賞罰規則文

指令古城城守尉多凌呈報籌辦旂民生計文

通令南疆各縣不准再設總鄉約名目文

電伊犁楊鎮守使豁免哈薩積欠羊隻文

通告哈薩克在內地游牧應照章納稅文

指令鄯善縣呈報奇台縣越收牧稅文

指令迪化縣呈賁訊結上控案件清摺文

訓令各道尹飭屬查禁煙籽文

指令阿克蘇道尹朱瑞墀呈報俄領事請取消沙

雅皮毛公司文

示諭土爾扈特蒙古東部落減少差徭文

訓令烏蘇綏來兩縣劃定八音溝界限文

指令葉城知事徐塋因病請假懇改調他缺文

密令各道尹飭屬嚴禁煙苗文

示諭蒙哈購買戰馬嚴禁各弊文

指令東路巡視員稟報鎮西民哈不能相容文

指令庫車縣知事馬紹武呈請免支營旂嵐炭並

擬集股試辦煤炭公司文

指令呼圖壁縣佐呈擬驅逐流民簡章文

訓令各屬嚴禁賣放鄉約文

指令尉犁縣知事稟工廠頭目勒買羊毛羊隻文

指令伽師縣知事蔣先燾條陳驗放阿洪限制外

債辦法文

訓令各屬裁革副鄉約等名目文

指令沙雅艾知事稟請賞假文

訓令各屬不得任用門丁文

訓令伊犁鎮道嚴查煙苗文

指令伊犁道尹呈蒙民食鹽應照章納稅文

指令鎮西縣知事呈賁皮毛公司規則文

布告尉犁塔羌兩縣戶民鐵夜兩莊界務成案具

在不能更動文

補過齋文牘辛集一

蒙自楊增新鼎臣

令文集編

電令烏蘇蔣遊擊地方官不能由百姓自舉文
頃接劉丞後鍾來電烏蘇紳商公舉陳寅爲烏蘇廳
等語查共和約法並無地方官由百姓自行公舉明
文如果地方官不能稱職或有害於地方原准百姓
據實上陳核由長官另選賢員赴任以期官民相安
若地方官由百姓自舉不第侵占長官用人之權而
各樹黨援流弊甚多實是大亂之道本都督孤身遠

來並無私人所有用人行政一秉大公劉丞後鍾如
果不洽輿情本都督當遴選委員卽行更換新任未
到任以前卽由陳寅暫行代理以順輿情一俟接署
人員到烏再爲接收交代仍請蔣統領嚴密稽查毋
令奸民藉端滋事至於劉丞必候交代清楚始准晉
省如私自離烏以致交代不清虧空公款卽惟代理
之陳寅是問

元年六月
十三日

指令鎮西廳李澍榮呈報蠲免陋規文

爲官無他術祇要實行愛民兩字卽是好官該廳蠲
免百姓供支一切此卽以不忍人之心行不忍人之

政若能常常抱此宗旨實心愛民於地方自有裨益
元年十月
二十四日

指令學務公所呈轉尉犁縣漢語學校員生清

冊文

現在國體變更人民有參政之權地方學務關係最
爲重要該縣係纏多漢少之區初等小學無合格學
生可以從緩設立漢語學校不妨於定章之外多設
一二處所費無多該縣所立漢語學堂一校學生祇
有二十五名雖尙不足一班之額然亦不可在遠處
調取學生致拂輿情今有要訣兩句可多設學堂以

就學生不可遠調學生以就學堂蓋多設漢語學堂
一二處每校不過歲費百數十金移一小學堂之經
費可以設漢語學堂七八校所以多設小學堂不如
多設漢語學堂惟漢語學堂之內仍應增加認字讀
書功課不宜拘守部章毫無變通也

元年十一月九日

電令輪台縣地方官因公虧累百姓毋得捐款

彌補文

頃據輪台漢回萬聚成于素甫等電稱該知事因公
虧累情願共助銀二千五百兩以資彌補等情查地
方官虧負公款百姓捐款彌補此端萬不可開仰卽

轉飭該戶民遵照毋得湊集鉅款以防攤派而免流弊且未交卸之官令百姓幫助銀兩與贓款何異自應嚴行駁斥至於馮知事如果善政及民應候查明另行調劑

二年五月六日

布告加發拜城縣銅價文

拜城銅鑛前經官紳開辦因木炭難於採運銅觔定價太輕致百姓不免受累茲定爲每百觔發價銀六十兩較原定價值幾加一倍運省腳價一並在內至於炭價亦應由辦銅董事酌量加增以免炭戶受累蓋公家與該董事加發銅價該董事卽應與炭戶加

發炭價以昭公允而除民累當經電知阿克蘇道尹
及拜城縣知事在案嗣後該縣殷實商紳人等聞風
興起擴充開採在公家既得銅觔以鑄銅圓百姓亦
得銅本以養身家利國利民兩有裨益爲此示仰拜
城縣銅鑛董事暨銅戶炭戶等一體知悉速將銅觔
極力採辦源源解省自本年六月一日爲始由庫收
銅連運費在內每百觔發價銀六十兩該董事亦當
將炭價量爲增加俾炭戶踴躍輸送而銅夫之價亦
應稍爲加發使利益分沾展轉招徠日有起色其各

凜遵毋違

二年六月八日

訓令各屬遵照政府命令禁止民舉官吏文

照得民國二年七月內迭據喀什漢纏回紳民公舉周家瑞爲疏附縣知事一案當經本都督於七月三十日電覆內開喀什王觀察使轉喀什漢纏回各界紳商同鑒疏附縣一缺早經大總統任命李湜署理在案乃屢接喀什紳民來電公舉周家瑞署理疏附縣缺查民國約法任命官吏爲大總統特權是以知事一官亦須由大總統正式任命並無由國民公舉之例至於新疆人類厯雜官吏由民公舉此端尤不可開若使人民有選舉官吏之權則漢人欲舉

漢人爲官回纏欲舉回纏爲官蒙哈亦欲舉蒙哈爲官又或東南各省之人欲舉東南各省之人爲官西北各省之人欲舉西北各省之人爲官加之黨派紛歧此黨之人欲舉此黨之人爲官彼黨之人欲舉彼黨之人爲官況此界之人可以舉而用之彼界之人即可排而去之今日可以舉而用之明日即可排而去之甚至逐一知事而另舉一知事又或殺一知事而另舉一知事民舉官吏之事如果實行於新疆不出數月即可全疆糜爛該喀什紳民公舉周家瑞爲疏附縣知事本都督所以未能率行允准者實爲維

持地方起見該紳民來電謂民國百姓有公舉長官
章程大約係指宣統三年各省紛紛起事之時而言
自民國成立以來實無民選長官之例該紳民等毋
得誤會仰卽遵照又於八月一日第二次電覆內開
任命官吏爲 大總統特權不能由人民公舉前經
電知在案茲接來電特再爲該紳民等剴切言之疏
附知事一缺已經政府任命李湜署理如果李湜到
任之後不能勝任本都督自能秉公查辦不能聽其
溺職殃民若將政府已經任命之人棄而不用另由
紳民公舉是明明反對政府辦理實多窒礙况疏附

縣知事可由人民公舉則喀什十餘屬知事亦可由人民公舉新疆全省知事亦可由人民公舉推之省內省外一切官吏無不可由人民公舉此端一開將來紛紛效尤不出數月全疆即可糜爛不足以維持秩序實足以破壞治安其發端甚微而流弊甚大該紳民等俱有知識何苦而爲此以上各節本都督深思遠慮一片苦心不能不爲爾紳民一一說出仰卽遵照等語並將前電內開各情形呈明政府在案旋於八月十八日准國務院電開 大總統令冬電悉查任免官吏爲 大總統特權載在約法民國成立